

矣德後之則形先矣故常爲天下貴

陳象古曰孤寡不穀以言下之也非飲食而致孝乎鬼神惡衣服而致美乎黼冕卑宮室而盡力乎溝洫以身後之也

天下皆謂章第六十七

天下皆謂我道大似不肖夫惟大故似不肖若肖久矣其細也夫

御注曰肖物者小爲物所肖者大道覆載萬物者也洋洋乎其

大哉故似不肖若肖則道外有物豈得爲大乎
碧虛子陳景元曰肖似也天下之人皆言我道虛無廣大不爲而不燿盛德若愚無所象似猶如不賢我道虛無廣大不爲

道藏輯要

道德真經
彭鶴林集註

去
心集八

下士所信故似不賢也若賢而使人稱美之不待於今亦已久矣若爲人所稱美其道豈足爲大耶細小也夫老子謂士成綺曰夫巧智神聖之人吾自以爲脫焉此乃老氏不以賢美爲貴久矣寧武子其智可及其愚不可及近之矣

涑水司馬光曰言異於眾人

穎濱蘇轍曰夫道曠然無形頽然無名充遍萬物而與物無一相似此其所以爲大也若似於物則亦一物矣而何足大哉

臨川王安石曰夫道之大則不可以名故似不肖小則可以名故若肖故曰若肖久矣其細也夫

達真子曰凡以此肖彼則有形有體也有形有體則必有形體之所勝而不能爲無敵之大也唯道無形無體凡所以言大者莫能勝若肖則爲更大之所勝終不免細之名也故曰若肖久矣其細也夫

黃茂材曰天下惟道爲大又孰有肖似若有肖似則道亦是一物也何足以爲道

程大昌曰特不與俗肖而與道肖也爲其不與世俗肖足以見其大

我有三寶寶而持之一曰慈二曰儉三曰不敢爲天下先夫慈故能勇儉故能廣不敢爲天下先故能成器長今捨其慈且勇

道藏輯要

道德真經
彭鶴林集註

七

心集八

捨其儉且廣捨其後且先死矣

碧虛子陳景元曰聖人以慈爲行勇於濟物語曰仁者必有勇謂勇於救難水火可蹈不懼之謂也儉約其用者必能廣於賑施所謂節用而愛人也不敢先於天下則必能成器用之長易曰用九見羣龍無首吉此所謂道大似不肖也

顏濱蘇轍曰道以不似物爲大故其運而爲德則亦悶然以鈍爲利以退爲進不合於世俗今夫世俗貴勇敢尙廣大夸進銳而吾之所寶則慈忍儉約廉退此三者皆世之所謂不肖者也世以勇決爲賢而以慈忍爲不及事不知勇決之易挫而慈忍之不可勝其終必至於勇也世以廣大蓋物而以

儉約爲陋不知廣大之易窮而儉約之易足其終必至於廣也世以進銳爲能而不敢先爲恥不知進銳之多惡於人而不敢先之樂推於世其終卒爲器長也蓋樸散而爲器聖人用之則爲官長自樸成器始有屬有長矣勇廣先三者人之所共疾也爲眾所疾故常近於死

臨川王安石曰慈則能柔柔則能勝天下之至堅故能勇儉則知足知足則常足故能廣不敢爲天下先則物莫爲之先故能成其器長勇廣先三者人之所共疾也爲眾所疾故常近於死

清源子劉驥曰夫道之至大然有三寶可以寶而持之慈以

道藏輯要

道德真經
彭鶴林集註

卷
六
心集八

愛物應世之寶也儉以自愛修身之寶也不敢爲天下先則挫銳解紛體道之寶也慈則果敢於濟難故勇儉則寡欲而易足故廣不敢爲天下先則不爭而天下莫能與之爭故能成器長若捨其慈且勇捨其儉且廣捨其後且先三者人之所共疾也則剛強之徒有死之道焉

夫慈以戰則勝以守則固天將救之以慈衛之

御注曰仁人無敵於天下故以戰則勝民愛其上若手足之捍頭目子弟之衛父兄效死而弗去故以守則固

碧虛子陳景元曰三寶之中慈最爲貴故編嘆美也且慈兵入於敵之境也則人知有所庇矣兵至於國邑之郊不踐果

稼不穴邱墓不殘積聚不焚室屋得人虜而厚歸之則人人
悅之若孝子之見慈親餓隸之遇美食歸降者若強弩之射
深谷也如是則何必陳兵於野戰而後勝重門擊柝以爲守
固哉天道福善禍淫善人則自天祐之吉無不利經曰天道
無親常與善人所以天將救助之者以其主將能用慈仁衛
護於士卒人民也此皆道大似不肖者也

顏濱蘇轍曰以慈御物物之愛之如已父母雖爲之效死而
不辭故可以戰可以守天之將救是人也則開其心志使之
無所不慈無所不慈則物皆爲之衛矣

達真子曰慈則眾無不歸故以戰則勝無不共力故以守則

道藏輯要

道德真經
彭鶴林集註

九

心集八

固凡天將拯救其人者必使有慈以衛之也

葉夢得曰雖然我自處已易物無所不濟難故卽三者推愛
以爲先而終復明之以爲以戰則勝以守則固是今之所急
也天若救斯民必使有爲慈者出而衛之此老氏之所怛然
有期於天下者歟

清源子劉驥曰三寶之中慈最爲貴所以再言之慈以愛人
愛人者人常愛之爲之效死可以無敵於天下故慈以戰則
勝以守則固天將救之則使之無所不慈無所不慈則物皆
爲之衛矣

黃茂材曰慈愛之人無害物之心物亦無害之者豈特戰則

勝守則固哉物無害之則可以長生故曰天將救之以慈衛之

程大昌曰曾子曰戒之戒之出乎爾者反乎爾者也我能慈人且爲我勇故遇戰則勝遇守則固設有不及天且以其慈而加佑助焉去邠而岐周以興是其效也

善爲士章第六十八

善爲士者不武善戰者不怒善勝敵者不爭善用人者爲之下
顏濱蘇轍曰士當以武爲本行之以怯若以武行武則死矣
聖人不得已而後戰若出於怒是以我故殺人也天必殛之
以吾不爭故能勝彼之爭若皆出於爭則未必勝矣人皆有

道藏輯要

道德真經
彭鶴林集註

三

心集八

相上之心故莫能相爲用誠能下之則天下皆吾用也

道真仁靜先生曹道冲曰勇而不武威而不怒不爭者勝貪
先動者必敗謙下則人與爲用忽慢者人不爲力

程大昌曰老氏論兵常惡乎爭勝於兩陣之交而貴夫圖全
於未戰之前正其重用人命焉耳

是謂不爭之德是謂用人之力是謂配天古之極

涑水司馬光曰德與天合自生民以來無以加也

黃茂材曰老子言兵皆有爲而發故曰是以配天古之極然
非深知兵者安能言之孰論此篇之義正使太公穰苴孫武
之傳亦不過此